


Билим эшиклари билимдонлар учун очик






1 август куни барча олий ўкув юртларида тест синовлари бўлиб ўтди. Вилоятимиз олий таълим муассасаларига жами 68 минг 64 нафар ёш хужжат топшириди.

Бу қўрсаткич ўтган йилгига нисбатан 7 минг 572 нафарга кўп. Андижон шаҳри ҳамда Андижон, Олтинкўл, Избоскан туманлари таълим муассасаларининг 73 та биноси эрта тонгдан абитуриентлар ва ота-оналар билан гавжум бўлди.

Вилоят ҳокимлиги ва тегишли ташкилотчилар томонидан тест синовларини белгиланган меъёрлар асосида тартибли ва кўтаринкилиқда ташкил этиш бўйича зарур чора-тадбирлар кўрилган. Аудиториялар керакли анжомлар билан жиҳозланган. Назоратчилар саволлар китоби, жавоблар варақаси, илова ва шаклларни қандай тўлдириш ҳақида яна бир бор эслатиб ўтдилар. Абитуриентлар ишонч билан жавоблар варақасини тўлдиришга киришдилар. Ота-оналарни ёзнинг иссиғидан паналаниши, вақтни мазмунли ўтказиши учун шароитлар яратилган. Ҳар бир муассаса олдига маҳсус ўриндиклар ўрнатилган.







Андижон давлат тиббиёт институтига 6 йўналиш бўйича 520 ўрин ажратилган. Бу ўтган йилгига нисбатан 115 тага кўп. Талаба бўлиш истагида хужжат топширганлар эса 10 минг 677 нафар абитуриентни ташкил этди. Демак, билимлар жиддий синовдан ўтади.

□ □ □ Кенжа қизим Дилноза бу йил Чуст тиббиёт коллежини тамомлади, - дейди Наманган вилоятидан келган Ҳосиятхон Сайдова. □ □ □ Ҳозир даволаш факультетига ўқишга кириш учун имтиҳон топширятти. Ўғилларимнинг иссиқ кунда, чарчаб қоласиз, дейишганига кулоқ солмай келавердим. Мана соя-салқин жойларда дам олиб ўтирибмиз. Бу йил тамомила ўзгача тайёргарлик бўлибди.

Акбаржон Пайгамов ёшлигидан шифокор бўлишни ният қиласди. Бу йил унинг тўртинчи бор абитуриентлик ҳиссини туюши.

□ □ □ Аъло даражада топширдим, деб ўзимга ишоняпман. Худо хоҳласа, сентябрдан талаба бўлиб ўқишига келаман. Келажакда онажоним орзу қилганидек, мохир шифокор бўламан.

Андижон қишлоқ хўжалиги институти талабаси бўлиш учун 13 минг 383 йигит-қиздан 16 йўналиш бўйича 1000 нафари саралаб олинади.

Мафтуна Ўқтамжонова агрономия факультетига хужжат топширди.

□ □ □ Биринчи марта имтиҳонга киришим, - деди у. □ □ □ Шунданми, ҳаяжоним кучли. Уни енгишига, бор билимимни ишга солишга ҳаракат қиляпман. Ахир бу кунни, талаба бўлиш баҳтини қанча кутдим.

Мўминжон Хасанов синов варакасини биринчилардан бўлиб белгилаб чиқди.

- Мактабда, лицейда аъло баҳоларга ўқиганим учун саволларга жавоб бериш менга қийинчилик туғдирмади, - дейди у. – Албатта, грант асосида ўқишига кираман.

Захириддин Муҳаммад Бобур номидаги Андижон давлат университетига 26 та йўналиш бўйича 29850 нафар абитуриент хужжат топширди. Демак, битта ўринга 21 нафар талабгор тўғри келяпти.

- Қизим Дилноза имтиҳонга кириб кетгандан буён омад тилаб дуо қилмоқдаман, -дейди шахрихонлик Дилфуз Бозорова. - У шу кунгача жиддий тайёрланди, ўқиди. Юртимизда яратиб берилаётган шароитлар, адолат мезонига айланган тест синовларидан муваффақиятли ўтади, деб умид қиляпман.

Андижон машинасозлик институтида эса 12 йўналишга 14 минг 154 нафар абитуриент хужжат топширди. Улардан 935 нафари талабаликка қабул қилинади.

-Биз Кўкондан келдик, -дея ўзини таниширди Муқаддамхон Муҳаммадалиев. -Ўғлим Муҳаммадали ер усти транспорти факультетида таҳсил олмоқчи. У ҳозир ўйланиб-ўйланиб тест ечаётган бўлса керак. Омадини берсин.

Биринчилардан бўлиб, тест синовини топшириб чиқсан асакалик Сардорбек Мамадалиев эса ҳали ҳаяжони босилмай, шундай деди:

- Мен Асака автомобилсозлик касб-хунар коллежини тамомлаган эдим. Назаримда, берилган саволларнинг кўпига жавоб бердим. Ўқишига киролсам, машинасозлик саноатини ривожлантиришга муносиб хисса қўшаман.

Кисқа фурсатлардан сўнг ғалвир сувдан кўтарилади. Албатта, билим ўз сўзини айтади. Ўқиб-ўрганиб, изланган, тенгдошларидан кучлилигини исботлай олган абитуриент талабаликнинг олтин даврларига йўл олади.